

## ՄԻԱԿ ԼՈՒՍԱՆԿԱՐԸ

Որքան էլ փարօրինակ է իր կոմերիտական տոմսը Հովիկ Հակոբյանն ստացել է ազգային զարթոնքի 2-րդ տարում 1989 թվին: Եվ հիմա մտածում ես, եթե այդ անփառունակ կազմակերպությունն արդեն լուծարված լիներ, ինչպե՞ս էր մեզ հասնելու Հովիկի այս միակ հիշատակ-լուսանկարը: Դեռ 15-ամյա է՝ նոր-նոր հայրենասիրական հովերով խանդավառված, դեռ չի էլ պատկերացնում, որ դարոցն ավարտելուց հետո կամավոր մեկնելու է Արցախ՝ հայոց բռնազավթված տարածքները ազատագրելու համար:

1993-ի փետրվարի 7-ին նա ծննդավայրում էր՝ Վարդենիսի շրջանի Ծովակ գյուղում: Կարծես ներքին մի ձայն նրան թելադրել էր այցելել հարազատներին, լինել ծանոթ վայրերում: Կատակում էր մտերիմների հետ, պատմում Ֆիզուլու ճակատի մասին, խոսում արցախյան-



րի աներեակայելի վճռակա-նության եւ Հայաստանից նրանց օգնելու մեկնած կամավորների քաջության մասին: Երբ ընկերներին հրաժեշտ փոխեց ու վերադարձավ Արցախ, ոչ ոք չէր կասկածում, որ ընդամենը երեկոյան լսելու է նրա զոհվելու բոթը: